

लाहना

द्विदशहिक पत्रकारिता, शैया आवश्कता

साःगु भिंगु मरिचरिया तिति लुमका दिसेँ !

लक्ष्मण जमाल 'चिलिमि' प्रोप्राइटर

लाखा छेँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

थुकि दुने



धर्म परिवर्तनया खँय विरोध मयायगु छाय ?

• राजेन्द्र कुमार पुता - २



गुला नखःया महत्व व महिमा

• प्रेममान डंगोल - ३



पंख स्यकाः छेँ देने मज्यू

• प्रजित शाक्य - ६



फोटो फिचर ४ - ५

सिंहदरबारय् मि च्याकाबिइ : मेयर बालेन राष्ट्रसेवकयात निरुत्साहित मयायत सीडीओया इनाप

येँ महानगरपालिकाया मेयर बालेन्द्र शाहया जहान चवना वःगु गाडी ट्राफिक प्रहरीं पनेवं सिंहदरबारय् मि च्याकाबिइ धका धम्की बिःगु दु। मेयर पुष्पकमल दाहाल नेतृत्वया सरकारयात खू तका धाःगु दु। बिदाया दिं सरकारी गाडी तीब्रगतिइ चलेयाना वःगुलि कोटेश्वर ट्राफिक प्रहरी वृतया टोलीं पनेवं शाह न थःगु सामाजिक सञ्जालय् तंपिकया अथे च्वःगु खः।

• नृपेन्द्रलाल श्रेष्ठ
फेसबुकय् शाहं च्वःगु दु, 'शैया लागि छु म्वालं, कन्हय्मिसे जिमिगु महानगरपालिकाया छु न गाडी सरकारपाखे पनकि सिंहदरबारय् मि च्याकाबिइ। याद याः खुँ सरकार।'
वंगु शनिवाः चान्हय् ९ बजे ति बालकुमारीपाखे तीनकुनेपाखे वयाच्वंगु तुयु नम्बर प्लेटया ह्यागु गाडीयात कोटेश्वर ट्राफिक प्रहरीया प्रहरी नायब निरीक्षकं रोक यायव अथे तं पिकाःगु खः। ९ बजे प्रहरी नायब निरीक्षक सुशील न्यौपाने बिदाया दिं तुयुगु नम्बर प्लेटया गाडी चेक याना बिदाया दिं चले यायगु अनुमति पौ फ्वंगु खः।सिनियर प्रहरी बिदाया दिं गाडी चले यायगु अनुमति माग याःगु खः। अनुमति मदु, उपत्यका ट्राफिक प्रहरी कार्यालयया डीआइजी पोषराज पोखरेलं धाःगु दु।अप्पो याना २ निसे ३ मिनेट जक रोके याःगु खः। छु जुगु मदु। सरकारी गाडी दिकां गनयाःगु गाडी, गाडीइ सू दु ? धकाः न्यनेकने जक यानागु खः धकाः चेकिडय् खटे जूम्ह छम्ह प्रहरी धाःगु दा 'तसकं



जिल्ला प्रशासन कार्यालय काठमाडौंपाखे मेयर बालेन्द्र शाहया स्ट्राटसलिपा सोमवाः पिथंगु विज्ञप्ति।

ब्वाका हःगु खः। सरकारी गाडी रोके यानाः न्यनेकने याःगुलिं ड्राइभरं जिमिगु येँ महानगरया गाडी छाय रोके यानागु खः धकाः ख्यायत स्वंगु, उम्ह ट्राफिक प्रहरीं धाःगु दु, गाडीइ लिउने मिसाम्ह दु। न्यनेगु यानागु इलय् ड्राइभरं म्याडम खः धाःगु। जिमिसं चिट तक काटे मयासे त्वःताःगु खः। ट्राफिक प्रहरी कार्यालयं गाडी त्वःतागु छु ई लिपा हे येँ महानगरपालिकाया मेयर शाहं काठमाडौंया प्रमुख जिल्ला अधिकारी जितेन्द्र बस्नेतयात फोन यानाः ट्राफिक प्रहरीं गाडी रोके याःगु धका अःखतं थर्के यागु दु धका स्रोतं धाःगु दु। बस्नेतं गाडी रोके यायगु विषय न्यनेकने याःगुलि काठमाडौं प्रहरी प्रमुखयात निर्देशन बिउगु खः।

विरोध व जिज्ञासा
सुलभ कार्की ट्वीटरय् मेयर बालेनया अभिव्यक्तिया विरोध यासे लोकतान्त्रिक समाजय् हिंसा स्वीकार याय फइ मखु धाःगु दु। कार्की च्वंगु दु, 'थ्व अस्वीकार्य धापू खः। मेयर बालेन न्यापर जक मखु नेपाःया शाक्तशाली ल्यं ७ पेजय्

आशा सफूकुथि उत्कृष्ट पुस्तकालय



भिंखुक्वःगु पुस्तकालय दिवसया लसताय आशा सफूकुथियात थुगु दँयात उत्कृष्ट पुस्तकालय सम्मान लःल्हाःगु दु। भिंखुक्वःगु पुस्तकालय दिवसया लसताय जुगु उगु ज्याइवल्य शिक्षा मन्त्री अशोक राई न उगु सम्मान लःल्हानादीगु खः। थुगु सम्मान दँयदसं नेपाल सरकार हे लःल्हायगु याना वयाच्वंगु खः।
थ्वहे इवल्य नेपाल सरकार उत्कृष्ट घोषणा याःगु पुस्तकालययात येँया रत्न पुस्तकालयपाखे ५०,००० (न्ययद्दः) तकाया सिरपाः बीगु ग्वसाः



तान्त्रःया पासा कूल्फी/आइसक्रीम भपिया दिसेँ।

Himalayan Ice

चीको बार १ कस मिन्दा २०० को थुवा कूल्फी ५० पिस पि ५०००, आइसक्रीम १० पिस मिन्दा २० को १०० पिस कूल्फी पि मिन्की बार १ कस मिन्दा २० को १०० पिस कूल्फी पि २० कसको १०० पिस मिन्दा २० को १०० पिस कूल्फी पि १० कसको २०० पिस मिन्दा २० को १०० पिस कूल्फी पि

५०% डिपोजिटमा फ्रिज उपलब्ध छ।

सुवीचनयाक नगरपालिका, वडा नं. १, सिद्धार्थ बस्नार, काठमाडौं



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्यान भी सकस्यां छगू
जातितय् स्वायत्त राज्य लुइ कर्प च्यय् भिर्लीमिलिं
राष्ट्र भ:भ: धाय्क न्ह्याके भीगु च:र्त भीगु हिं

धर्म परिवर्तनया खँय् विरोध मयाय्गु छाय् ?



राजेन्द्र कुमार पुता

छुं ई न्ह्य: धर्म परिवर्तनया विरोध याय्गु छाय् ? धका: च्याय्गु । उकिइ विश्लेषण भच्चा मगा: थें च्वन । ब्वमिपिनिपाखें यक्व प्रतिक्रिया नं वल, सकारात्मक व नकारात्मक, नितां । तर हानं थन धर्म परिवर्तनया विरोध छाय् मयाय्गु लय् ? धैगु विषयय् खँ नं ल्हवने मा:गु ताय्का । उकिं थौं हानं व हे धर्म परिवर्तनया बारे च्याच्वना ।

भी सकसिनं खनाच्वना कि धर्म परिवर्तन याइपिन्सं धर्म परिवर्तनया नापं इमिगु संस्कार व संस्कृति नं हिलाछ्वई । हिलाच्वंगु दु । इमिगु धारणा कथं संस्कार व संस्कृति धैगु फुक्क धर्म हे ख: । तर धाच्यें धाय्गु ख:सा धर्म, संस्कार व संस्कृति अलग अलग ख: । धर्म व संस्कार व संस्कृति व हे मखु । धर्म धैगु विश्वास ख:, आस्था ख: । सिद्धुंका: स्वर्ग वने दइ धैगु विश्वासय् याइगु पुण्य ज्या हे धर्म ख: । अथवा सिद्धुंका: मोक्ष प्राप्त जुइ धका: थ:म्हं आस्था यानातयाम्ह द:यात वा इश्वरयात आराधना, उपासना याइगु हे धर्म ख: । नेपाली बृहत शब्दकोषया कथं 'ईश्वर वा सद्गति प्राप्तीया नितीं याइगु शास्त्रविहीन कर्म हे धर्म ख:' धका: धर्मया परिभाषा बियात:गु दु । तर संस्कार, संस्कृति धैगु मनुतयगु रहन-सहन व सभ्यता नाप स्वानाच्वनीगु पक्ष ख: । नेपाली बृहत शब्दकोषया कथं 'छुं नं राष्ट्र वा जातिया सामाजिक जीवन, राजनीति, अर्थ व्यवस्था प्रतिबिम्बित जुइगु व उकिया कलाकौशल, बौद्धिक विकास आदिइ प्रकट जुइगु सम्पूर्ण क्रियाकलापया परिष्कृत रुप हे संस्कृति ख:' धयात:गु दु । अथे हे 'यक्व ई न्ह्य:निसें देशकाल सापेक्ष जुया: आन्तरिक, वैचारिक व परम्परागत धारणाया रुपय् विकसित जुयाव:गु व आचारविचार, रहनसहन आदिया माध्यमं छुं नं राष्ट्र, समाज, जाति आदिया स्वरुप खनेदेगु यावत् मान्यता, भावना, चिन्तन-मनन, भौतिक अभिव्यक्तिनापया पुच: वा साधन हे संस्कृति ख:' धयात:गु दु । थुकथं धर्म व संस्कृति धैगु विलकुल पा:गु खनेदु । अले धार्मिक आस्था पाय्वं थ:गु संस्कार संस्कृति नं पाकेमा:गु जरूरी मदु ।

छगू आस्था कथं द: पुजा याय्गु धर्म ख: । पुजा-आजा, उपासना, आराधना याय्गु धर्म ख: । पुजा-आजाया प्रसाद नय्गु धर्मय् आस्था कथं जुयाच्वनी । द:यात सिन्ह: तिका:, समय बजि छाना: उकिया प्रसाद कथं स्वासिन्ह: काय्गु व समयबजि नय्गु ज्या थ:थ:गु धार्मिक आस्था कथं याइ, थौतकया चलन कथं । तर भीगु समाजय् धार्मिक आस्था कथं जक सिन्ह: तिइगु याइमखु । द:पुजा याना: जक सिन्ह: तिइमखु । द:पुजा याना: प्रसाद कथं जक समयबजि वा भव्य नईमखु । नेवा:तय् नख:चख: आदि द:या नामं जक हनीगु मखु । ब्यांजा

नकेगु, कोपुजा, म्हपुजा, खिचापुजा, नाग पुजा, सा पुजा आदि ला भीसं ईपिं द: धका: पुजायानात:गु हे मखु । व ला प्रकृति, वातावरण व प्राणी अथवा मनुतयगु अन्तरसम्बन्धया छगू प्रतिक ख: । प्रकृति मनुतयूत बियात:गु सुरक्षा व सुबिधा प्रति भीसं बियागु छगू सम्मानया उपज जक ख: । उकिं थ्व गुगु धर्मनाप स्वानाच्वंगु ज्या मखु । थ्व ला भीगु संस्कार ख:, संस्कृति ख: । उकिं धर्म व संस्कार संस्कृति धैगु विलकुल अलग अलग खँ ख:, व हे मखु । तर थन आमधारणा धा:सा अथे मदु । थन ला धर्म व संस्कार, संस्कृतियात स्वाका: स्वय्गु चलन दु । धर्म पाय्वं धर्म परिवर्तन जुइवं थ:गु संस्कृति नं पाकेगु चलन दु । थ:गु संस्कार हे नं हिलेगु चलन दु । वास्तवय् थ्व तसकं गलत खँ ख: । गलत धारणा ख: ।

सन्दर्भ न्ह्यथने त्यनागु धर्म परिवर्तनया ख: । धर्म परिवर्तन याय् धुंका: थन थ:गु संस्कार व संस्कृति फुक्क हे परिवर्तन यानाच्वंगु, यानाछ्वइगु भीसं खनाच्वना । थुकिया मू कारण धैगु धर्म व संस्कार, संस्कृतिया दृष्टी फरक छुटय् याय् मफया: हे ख: । धर्म धैगु आस्था ख:, आस्था धैगु परिवर्तन जुइफु । आस्था परिवर्तन धैगु थ:गु व्यक्तिगत खँ ख:, वं उकियात परिवर्तन याय्फइ । थ्व सुं नं मनुयागु व्यक्तिगत वा नैसर्गिक अधिकारया खँ जुल । तर धर्म नापनापं थन मनुतयसं थ:गु पहिचान, थ:गु परिचय परिवर्तन यानाच्वंगु दु, थ्व दु:खया खँ जुल । थ्व हे कारणं थन धर्म परिवर्तन याइपिन्त व याकीपिन्त लिनुलिनाच्वंगु नं सत्य ख: । विशेष याना: क्रिश्चियन धर्मय् परिवर्तित जुइपिं व याकिइपिन्सं धर्म नापनापं थ:गु संस्कार, संस्कृति त्व:ता: वनाच्वंगुलिं थ:थिति, ज:ला ख:ला, इष्टमित्रपिं नं तापाना वनाच्वंगु दु । इमिसं थ:गु धर्म संस्कारनाप मिलय् मजुगुलिं थ:थिति इष्टमित्रपिं हे नं त्व:तेगु यानाच्वंगु दु । गुगु पाय्छि मखु । थज्या:गु पह: समाजय् पाच्य नं मजू । धर्मय् वनां सद्भाव ब्वलंके सय्केमा:गु ख: । नैतिक शिक्षा सय्केमा:गु ख: । तर थन अ:ख: जुयाच्वन । छगू निश्चित धर्मय् आस्था तय्वं थ:गु समाज व समुदायपाखें 'आइसोलेटेड' जुइगु खँ बांला:गु पक्ष पक्का नं मखु । थ्व हे खँय् नं अप्ठ: विरोधया स: थ्वयाच्वंगु खनेदु, थन । नापनापं धर्म परिवर्तन याय्वं थ:गु पहिचान नं त्व:तेगु धैगु थ:गु म्हसीका बिइगु मू आधार हे हुयाछ्वय्गु ख:, गुगु विलकुल हे गलत ज्या ख: ।

मेगु खँ, धर्म परिवर्तन याइमह मनुखं गुगु धर्म ब:का:वनी वं व धर्मयात दुनियाँया हे उत्कृष्ट, उच्च धर्म ताय्की । थ्व स्वाभाविक नं ख: । अथे धाय्वं तुं थ:म्हं नालागु धर्म हे जक त:धं मेगु धर्म ज्याख्यलय् मजू धाय्गु अधिकार स्वयाकें मदु । मेमेगु धर्मय् आस्था तइपिं सुयात नं हिस्साय्गु वा ब्व:बिइगु वा तुच्छ खने मजू । तर थन थ: बाहेक मेपिं खराब ताय्कीगु आम चलन जुयाच्वंगु दु । अभ क्रिश्चियन धर्मय् थ:त परिवर्तित जुइपिन्सं ला थ:त विश्वासी धाइगु चलन दु । थुकिया अर्थ मेपिं अविश्वासी जुल । इमिसं गैर क्रिश्चियनतयूत 'शैतान' धका: आरोप बिइगु चलन दु । य्शु क्रिष्टप्रति विश्वास मयाइपिं दक्वसित 'शैतान' धका: खुल्लेआम धयाच्वनी, क्रिश्चियन विश्वासीपिन्सं । नापनापं

क्रिश्चियन विश्वासीपिन्सं थ:म्हं थ:त स्वर्गय् वनेदइगु भा:पियाच्वनीसा मेपिन्त नर्कय् वनीपिं धका: आरोप बियाच्वनी । थ्व ला थ:थ:गु धार्मिक विश्वास व आस्थाया खँ जुल । तर जब छम्हं मेम्हंसित धार्मिक विश्वासया व आस्थाया आधारय् शैतान वा अज्या:गु हे कथं आरोप प्रत्यारोप याई वा विरोध याई उकिं समुदाय दुने द्वन्द ब्वलकी । थन जुयाच्वंगु द्वन्दया मू कारण थ्व हे ख: । नेपा: थज्या:गु बहुधार्मिक मुलुकय् थीथी धर्मय् आस्था दुपिनिगु दथुइ धार्मिक सहिष्णुता ब्वलंकेगु सिबे नं थुकिं द्वन्दयात प्रोत्साहित याइगु स्वाभाविक जुल । थ्व खँ क्रिश्चियन विश्वासीपिन्सं जक मखु मेपिन्सं नं बांलाक हे महसुस याना: थ:थम्हं संयमित जुइमा:गु ख: । धार्मिक सम्प्रदाय दुने थ्व खँय् भच्चा अप्ठ: हे चिन्तन जुइमा:गु ख: । तर अथे जुयाच्वंगु धा:सा मदु । थज्या:गु द्वन्दया मानसिकता धर्मया अनुयायीतय्गु दथुइ जक मखु, धार्मिक नेतृत्व तहलय् हे दु । मात्रात्मक भिन्नताया सवाल जक ख: । थ्व ला क्रिश्चियन पाश्चरपिन्के नं दु, मेमेगु धर्मया गुरुबापिन्के दु । थ्व धैगु धर्मान्धता ख: । थ्व तसकं गलत प्रवृत्ति जुल ।

धर्म परिवर्तनया खँ वइबलय् अप्ठ: याना: आलोचना जुयाच्वनीगु मेगु पक्ष ख: - प्रलोभन वा आश्वासन वा जबरजस्ती । थ्व अप्ठ:याना: मेमेगु सम्प्रदाययापिन्त क्रिश्चियन धर्मय् परिवर्तित याइगु खँय् केन्द्रित जुया: वइगु खँ जुयाच्वंगु दु । वर्तमान सम्बन्धनय् नं प्रलोभन क्यना:, जबर जस्ती धर्म परिवर्तन याकेगु दण्डनीय धयात:गु दु । आस्था परिवर्तन स्वइच्छां याय् दइ, तर प्रलोभन क्यना: धर्म परिवर्तन याकेगु संविधानत: वर्जित ख: । थज्या:गु ज्याखँया विरोध थन जुइ हे मा: । थ्व संविधानत: दण्डनीय जक मखु निन्दनीय नं ख: । थुकिं सामाजिक सद्भाव व धार्मिक सहिष्णुताय् नकारात्मक असर लाकी ।

मेगु खँ, छुं नं धर्मय् वना: विश्वास याइगु धइगु सिद्धुंका: मोक्ष प्राप्त याय्गु वा स्वर्गय् वनेदइ धका: ख: । थ्व छगू धार्मिक विश्वासया खँ जुल । सिद्धुंका: स्वर्गय् वनेदइगु विश्वास इना: म्वानाच्वनागु इलय् थ:गु विश्वासय् मव:पिन्त 'शैतान' धका: आरोप बिइगु नं पाय्छि खँ मखु । लौकिक संसारयात शुन्दर याय्गु खँ त्व:ता: स्वर्गया लोभ क्यना: वर्तमानयात नर्क याय्गु धैगु तसकं हास्यास्पद नापनापं बांमला:गु पक्ष जुल ।

च्य् हे धाय्धुन, धर्म धैगु छगू आस्था ख: मेमेगु विचार वा आस्था थें थ्व परिवर्तन याय्फु, याय्फइ, याय्दइ । तर धर्म नापनापं थ:गु म्हसीका तंका छ्वय्गु विलकुल गलत ख: । थ:गु पहिचान थ:गु म्हसीका आस्थाय् वा धर्मय् मखु थ:गु संस्कार संस्कृतिइ दयाच्वनी । गुगु हुयाछ्वल कि थ:गु म्हसीका नं तनी । म्हसीका तंम्ह मनु न थुखे लाइ न उखे लाइ । अथे हे थ: हे जक सही मेपिं 'शैतान' धाय्गु व प्रलोभनय् लाका: धर्म परिवर्तन यायूत बाध्य याइगु थ्व प्रवृत्ति न्ह्याम्हंसिनं यानाच्वंगु ख:सां व निन्दनीय ख: । थज्या:गु प्रवृत्ति सम्बन्धित पक्षं त्व:ते ला मा हे मा: । उकिंसं थज्या:गु ज्यायात दुरुत्साहन याकेत सकसिनं कुत: व भूमिका मिहते हे मा: । थुकिया विरोध याय् हे मा: ।

सम्पादकीय



नीतिया खँ सकसितं लागु जुइ

नेपालय् पार्टी ब्वदलीगु छुं न्हूगु व त:धंगु खँ मख्युधुकल । आ: सरकारया नेतृत्व यानाच्वंम्ह नेपाली काँग्रेसया सभापति शेर बहादुर देउवां छगू इलय् पार्टी नेतृत्वप्रति असन्तुष्टि क्यना: नेपाली काँग्रेस (प्रजातान्त्रिक) गठन यानादीगु ख: । लिपा हानं वय्क: नेपाली काँग्रेसय् हे लिहांभाल । जनता समाजवादी पार्टी (जसपा) या खँ ल्हाय्बलय् थुकी आ: मूलरुपं स्वंगू पार्टी बायावीपिं नेतात नेतृत्वय् दु । माओवादीं पिहांव:म्ह उपेन्द्र यादवं मधेसी जनअधिकार फोरम नामं पार्टी न्ह्याकल । नेकपा एमालें बायाव:पिं अशोक राई, राजेन्द्र श्रेष्ठ लगायतया नेतातय्सं संघीय समाजवादी पार्टी नेपाल गठन यात । नेकपा माओवादी (केन्द्र) अध्यक्ष पुष्पकमल दाहाललिसे असन्तुष्ट जुया: पूर्व प्रधानमन्त्री बाबुराम भट्टराई नयाँ शक्ति नामं पार्टी दय्कल । थ्व हे स्वंगू पार्टी एकिकरण जुया: समाजवादी पार्टी नेपाल दय्कूगु ख: । मधेसवादी दलत एकिकरण जुया: दय्कूगु राष्ट्रिय जनता पार्टी (राजपा) लिसे एकिकरण धुंका: व हे समाजवादी पार्टी नेपाल जनता समाजवादी पार्टी (जसपा) जूगु ख: ।

आ: स्वयादिंस, थुलि जक खँ ल्हाय्बलय् छु छु पार्टी ग्व:क: ब्वदल, ग्व:क: एकिकरण जुल अले ग्व:क: हाकनं बायावन । थुकी छक: दुवालेमा:गु आवश्यकता खनेदु । नेपालय् नेतात छाय् छधी छपें जुइमफु, व छाय् ख: ? धुवांधू पार्टी टुक्रा जुयाच्वनी, एकिकरण जुयाच्वनी अले हानं एकिकरण जूगु पार्टी टुक्रा जुइ । छाय् थथे जुयाच्वन । थ्व छगू गम्भीर विषय ख: । देशया नेतृत्व थ्व हे पार्टी अले पार्टीया नेतातय्सं यानाच्वंगु दु । देशया भाला कुबियाच्वंगु पार्टी व नेतात थुकथं पार्टी दुनेया विवादय् न्ह्याबलें तक्यनाच्वनेगु ख:सा उकिया लिच्व: देय् वा देशवासीतय्सं फय्मालाच्वनी । गुगु आ: भीसं भोगे हे यानाच्वनागु दु ।

आ: थथे जुइकेमबीत थुगु समस्याया कारण नं मालेमा: । थथे जूगु नेतातय्गु कारणं स्वयां कार्यकर्तातय् कारणं जूगु ख:ला धइथें खनेदु । थन कार्यकर्तातय्सं सिद्धान्तयात, विचारयात ल्यूगु खनेमदु । मात्र व्यक्तियात लिनाच्वन । थनथाय् नेकपा (एमाले) पार्टी व थुगु पार्टीया अध्यक्ष ओलीया दसु काय् । नेकपा (एमाले) या खँ ल्हाय्बलय् थन ओलीया जक खँ वयाच्वंगु दु । ओलीया समर्थनय् ब्वाँय् जुयाच्वीपिं कार्यकर्तातय्के पार्टीया सिद्धान्त व विचार छु ख: धका: न्यन धा:सा शायद हे लिस: वइ । ओलीयात दम्भ व अहंकारं जा:म्ह नेता कथं व्याख्या यानाच्वंगु दु । ओलीयाके अहंकार वा दम्भ अप्ठ:गु धइगु ख:सा व कार्यकर्तातय्गु थज्या:गु हे व्यवहारं ख: । मेमेगु पार्टी दुने नं थथे हे जुयाच्वंगु ख: । नेतायात देवत्वकरण याय्गु, व्यक्तिया ल्यूल्यु जुइगु ज्या गबलेतक्क ? व्यक्तियात लीगु त्व:ता सिद्धान्त व विचारयात लीगु गबले ?





वरिष्ठ संगीतकारसिं गायक गोविन्द ह्यूमतया याकः सनिल किपूया कीर्तिपुर सिनेप्लेक्सयु भाद्र ११ गते सोमवाः तःजिक क्वचाल । विजयलाल डंगोलया खसाः व व्यवस्थापनयु जुगु ज्याइवलयु म्येहालामि ह्यूमतं १५ पु म्ये न्यंकुगु खः । गुकी मध्ये प्यु ज्वःम्येयु मेलोडी क्वीन दीपा महर्जन व रत्नशोभा महर्जनं साथ बियादीगु खः । ज्याइवलयु श्रीजल महर्जनं सारंगी व उर्मिला महर्जन व अल्लोयना डंगोलं बज्रयोगिनी चर्चा प्याखं न्ह्यब्वःगु खः । उगु ज्याइवलयु दिनेशराज रेग्मी, प्रवेश महर्जन, अर्बिक शाही, अजय नेपाली, सन्देश अधिकारी, किशोर तामाङ्गपिसं बाजं थानाः ग्वाहालि यानादिउगु खः । ज्याइवः शुमिच्छा शाक्यं न्ह्याकादीगु खः ।

पंख स्यंका: छेँ दने मज्यू



पञ्जारत्न महर्जन

छेँ धयागु च्वनेगु थाय् खः । नय् त्वने देने सकतां थन हे च्वनाः याइ । लः फय् निभाः आदिं सुरक्षित जुइक च्वनेगु नं थन हे याइ । छेँ मदय्की पिन्त महालिकाय्चा धाय्गु याइ । थः नं छेँ मदय्कीम्ह करपिनिगु छेँ नं स्यंकीमेसित माकः तर्कं धाय्गु याइ ।

छेँ दय्की बलय् जमिनय् दय्कीगु खः । जमिनय् छुं नं पिनातःगु दःसा चीकाः खालि यानाः दय्की । अथे छुं पिनातःथाय् खालियानाः दय् कूसां पं पिनातःथाय् पंख खालियानाः छेँ दय्के मज्यू धयागु सामाजिक मुल्य मान्यता दु ।

पंख पिनातःगु थासय् लाखय् लसिंतस्यं बास याना च्वनी धयागु बिश्वास जनमानसय् न्यना च्वंगु दु । थज्याःथाय् नागतस्यं नं बास यानाच्वनी धयागु धारणा दु । उके पंख स्यंकाः छेँ दय्के बलय् चानय् लाखय् लसिंतस्यं थीथी कथंया सः वय्काः ख्याः वय् यः धाइगु मानसिकता दु । जग तय् बलय् नागया म्हय् लात धाय्वा नाग मू पुली बलय् सनाः छेँ धे चुला वनीगु व तसकं सनी बलय् दुने नं यः धयागु धारणा दु ।

छेँ धयागु छकः पतिं दय्के फइ मखु । बुइँ पिवाः च्वनेत दय्कागु बलचा थें दछी छकः दय्केगु जुइमखु । छकः दय्कागु छेँ दँदँ तक जक मखु पुस्तां पुस्ता तक नं तुइके माः । उके छेँ दय्के बलय् बांलाक बिचाः यानाः बल्लाक दय्के माः ।

छेँ दय्केगु ज्या थाकुगु कथं कयातःगु दु । अथे जुयाः न्हापा न्हापा छेँ दय्के मलंम्ह मिजं मचा बुइके मलंम्ह मिसा अथे हे खः धकाः भ्नीगु सामाजिक बोलि चाली धाय्गु याः ।

छुं नं बनस्पतिया हां चा छ्वासुका यंकी । थ्व स्वभाबिक प्रकृया खः । अथे जुयाः पं पिनातःथाय् थासय् नं पंया हां यानाः चा छ्वासुकी । पंया हा ततःपु व ततःहाकः नापं जुइगुलीं थुकिं चा जक छ्वासुकीगु मखु थज्याःथाय् गः दय्काः च्वनीपिं जीबत छुं, नवःचा, ताहा, आदिं थःपिनिगु गः नं दय्कातइ । न्ह्यु च्वः वइगु पंया हा क्यातुसे चाकुसे च्वनीगुलिं इमित नसानापं अन हे दइ । छ्वासुया च्वंगु चाय् म्हुयाः थज्याःपिं जीबतस्यं गः दय्की बलय् थज्याःथाय्या चा भन हे छ्वासुइ ।

पंथय् दँय् दसं न्ह्यु च्वः वइ । न्ह्यु च्वः वःलिसे हा नं न्ह्यु



जायावइ । न्ह्यु हा जाया वःलिसे पुलांगु चनावनी । थथे चनावंगु हा चानाप ल्वाकज्याइ । चनाः ध्वगिनावंगु बनस्पति चाय् ल्वाकज्यात धाय्वा सुपरफोस धयागु तत्व बिकास जुयाः छाःगु चानापं छ्वासुया वनी ।

छेँ दय्केत क्वातुगु चाय् जग दिकेमाः । पं पिनातःथाय् पंया हां न्हाय् दुथाय् तकया चा छ्वासुकातइ । भचा भचा जक म्हुयां छाःगु चाय् थ्यनी मखु । उबलय् आः थें न्हू न्ह्यु बिकसित ज्याबःत मदु । दक्वं ज्या मनुखं हे याय् माः । पंखय् पंया हां न्हाय् दक्व चा लिकया जग तय्गु याय् मफु । चा पिचंकेत नं आः थें ज्याःगु साधन श्रोत मदु । अथे जुइ बलय् छ्वासुगु चा दक्वं लिकयाः

जग तइमखु । थुकिं यानाः छेँ जाय् धुंकाः चा पिचिनावलिसे छेँ क्वतुना वनी । थज्याःबलय् काताकुतु सः वइ । न्हिनय् वइ बलय् ताय् मदुसां चानय् वइ बलय् ताय्दइ । थज्याःगु सः यात लाखय् लसिं वःगु व भूत प्रेत दंगु धाइगु खः । यक्व क्वचिनाः छेँ हे धेचुल बाय् दुन धाय्वा नागया म्हय् जग लात व मू पूगु धाइगु खः । बांलाक ल्हानामतःगु कंगाःया द्यःने दय्कातःगु छेँ भ्वखा व्वः बलय् क्वतुना वंगु नं थथे हे तःलय्या चा क्वातु मजुयाः खः । तर थौं थज्यःगु परिस्थिति मदय् धुंकल । पंखय् जक मखु पुखुली छेँ दने माःसां माःमागु साधन श्रोत दय् धुंकल । छ्वासुगु चा दक्वं लिकयाः क्वातुगु चाय् जग दिके फय् धुंकल ।

लः यक्व वइथाय् नं लः यच्चुक लिकयाः जग तय् फय् धुंकल । न्हापा न्हापा थथे याय् मफुगुलिं पंख स्यंकाः छ्वासुगु चाय् दिकाः छेँ दनी धकाः व दनागु छेँ सिर्ति वनी धकाः पंख स्यंकाः छेँ दने मत्यः धयातःगु खः ।

पं धयागु अप्ठः यानाः बालि नालि याय् मछिंथाय् ध्याक्वय् धिक्वय्, धः सिथय् व खुसि सिथय् पीगु याइ । अभला मनूत काचाक्क सुनं मवनीथाय् जक नं पीगु याइ । छेँ दय्केगु धयागु मछिंथाय् व सुं मवनी थाय् दय्कां छेँया शोभा दइमखु । खर्च यानागु दां व मिहेनतया फल तर्कं लुधंक वइ मखु । अथे जुयाः नं पंखय् छेँ दय्के मत्यः धयातःगु खः ।

छुं नं बनस्पतिया हां चा छ्वासुका यंकी । थ्व स्वभाबिक प्रकृया खः । अथे जुयाः पं पिनातःथाय् थासय् नं पंया हां यानाः चा छ्वासुकी । पंया हा ततःपु व ततःहाकः नापं जुइगुलीं थुकिं चा जक छ्वासुकीगु मखु थज्याःथाय् गः दय्काः च्वनीपिं जीबत छुं, नवःचा, ताहा, आदिं थःपिनिगु गः नं दय्कातइ । न्ह्यु च्वः वइगु पंया हा क्यातुसे चाकुसे च्वनीगुलिं इमित नसानापं अन हे दइ । छ्वासुया च्वंगु चाय् ठ्हुयाः थज्याःपिं जीबतस्यं गः दय्की बलय् थज्याःथाय्या चा भन हे छ्वासुइ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ्ग पनि गरिन्छ ।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

असंया क्वथुननि संरक्षण याय्त माग



ऐतिहासिक व पुरातात्विक महत्त्व जाःगु असंया क्वथुननि संरक्षण याय्माःगु मागयासे भूमि व्यवस्था लिसे सहकारी मन्त्री रन्जिता श्रेष्ठ चौधरीया ज्ञापन पौ लःल्हाःगु दु । असं क्वथुननि बचाउ अभियान मन्त्री श्रेष्ठयात

सम्बन्धित थासय् निरीक्षण याके धुका ज्ञापन पौ लःल्हाःगु खः । अभियान लःल्हाःगु उगु ज्ञापन पौ कयादिसे मन्त्री श्रेष्ठ क्वथुननया विषय थःगु ध्यानाकर्षण जूगु दु थुगु विषय सत्यतथ्य थुइका ज्या न्ह्याकेगु भलसा बियादीगु

खः । क्वथुननिइ न्यासः दँ पुलांगु अमिताभ बुद्ध द्यः नाप मेमेगु न यक्को हे पुलांगु पुरातात्विक महत्त्वया सामग्री दु । उगु थाय् अशोक वृक्ष बिहारया नामं न म्हसिइगु याः । 'मौलिक सम्पदाया गुठीयारपनिगु प्रभावय् लाकां छुट गुठीया नामय् निजी रैकर उल्लेख याना नक्कली पूर्जा दय्कूगु खः ।

लिपागु इलय् अस्थिर राजनीतियात फाइदा कया उगु थासयाःगु मौलिकता स्यकां व्यावसायिक भवन दयकेगु योजना दय्कूगु दु ।' अभियानया नमस्ते साय्म धाःगु दु । वायु देवता गुठी उल्लेख याना ८ आना २ पैसा जग्गाय् छँ दय्का तःगु खः ।

बरिष्ठ पत्रकार हिरण्यलाल श्रेष्ठ डिस्चार्ज

परराष्ट्रविद नाप बरिष्ठ पत्रकार हिरण्यलाल श्रेष्ठ डिस्चार्ज जुयादीगु दु । निवाः न्ह्यः जँय् नसा च्यापे जुया अस्पतालय् भर्ना जूयादीगु खः । जँय् नसा च्यापे जुगुलि वयकःयात यँया स्वयम्भुइ च्वंगु मनमोहन मेमोरियल मेडिकल कलेज लिसे शिक्षण अस्पतालय् वासः यायेगु निति भर्ना जुयादीगु खः ।

वयकःया काय् नाप मनमोहन मेमोरियल मेडिकल कलेज लिसे शिक्षण अस्पतालया



प्रबन्ध निर्देशक डा. मुजः श्रेष्ठ लहानान्युजयात जानकारी बिगु कथं बरिष्ठ पत्रकार हिरण्यलाल श्रेष्ठ याःगु डा. गौरव ढकाल व डा. निराजन सुवेदीया पुचलं सफलता पूर्वक अप्रेशन यानादीगु खः धका धयादीगु दु ।

सिंहदरबारय् ...

मेयर खः । साह न च्वय्गु इलय् यक्को बिचाः याय्माः । नापं गू गु कथंया हिंसायात लोकतान्त्रिक समाजय् स्वीकार याय् फइमखु ।

अथेहे पूर्वमन्त्री लोकेन्द्र विष्टमगरं बालेनयात न्ह्यसः यासे फेसबुकय् च्वंगु दु, 'मेयर साप! शनिवाः सवार सरकारी गाडी ट्राफिकं रोके याः वलय् सिंहदरबारय् मि च्याकेगु व सरकार खुँ गुकथं व गय्याना ?'

मेयर बालेन शाहया निजी सचिवालयपाखे बिज्ञप्ती

यँ महानगरपालिकाया मेयर बालेन शाहया निजी सचिवालयं सुत्केरी अवस्थाय् दुम्ह मेयर पत्नी सविना काफ्लेयात प्रहरीं चेकजाँचया नामय् म्वाःमदुगु केरकार याःगु धका धाःगु दु ।

शनिवाः चान्ह्यः फेसबुकय् महानगरपालिकाया गाडी रोके याःगुलि सिंहदरबारय् मिं तयाबिइ धका चेतावनी बिःगु खः । साह नं महानगरया गाडी सू नां व छाय् रोके याःगु धका धाःगु मदु । उत्तेजक अभिव्यक्ति बिःगु धासे बालेनया सार्वजनिक आलोचना जुइवं आइतवा साहया सचिवालयं विज्ञप्ति जारी याःगु खः । बालेनया स्वकीय सचिवालयया कथं बालेनया मचा (मेडिसिटी अस्पताल) एनआईसीयूलय् वासः याना च्वंगु दु । शनिवाः बर्हान बालेनया जहान सविनाया स्वास्थ्यय् जाटिलता खने दुगुलि बालेनं गइगु महानगरया गाडीइ अस्पताल वंगु खः । थःगु स्वास्थ्य परीक्षण याय्गु व मचायात दुरु त्वंका छँ लिहावनेगु भूवल्लय् गाडीयात कोटेश्वरय् चेकजाँच याय्त च्वना च्वपि ट्राफिक प्रहरीपिन्स रोके याःगु खः । उगु भूवल्लय् प्रहरीं दुर्व्यवहार याःगु धासे बालेनया स्वकीय सचिवालयं धाःगु दु ।

प्यखेरं विरोध जुसेलि मेयर शाहं फेसबुकं स्टार्टस चीके धुंक्गु

राष्ट्रसेवकयात निरुत्साहित मयाय्त सीडीओया इनाप

बालेनया स्टार्टसलिपा ब्वलंगु परिस्थितियात कयाः जिल्ला प्रशासन ज्याकू यँपाखे छगु विज्ञप्ति हे पिथना राष्ट्रसेवक कर्मचारीपिन्त निरुत्साहित मयाय्त इनाप याःगु दु ।

जिल्ला प्रशासन कार्यालय यँ न राष्ट्रसेवक कर्मचारी वा सुरक्षाकर्मीपिनिगु कर्तव्य पालनाय् पंगं मजुइगु कथं व सामाजिक सञ्जालय् न्ह्यंलाथे वक्तव्यबाजी मयायेत सकसित इनाप याःगु दु । सहायक प्रमुख जिल्ला अधिकारी खड्गबहादुर श्रेष्ठ छगु प्रेस विज्ञप्ति जारी यासे अथे इनाप यानादीगु खः ।

यँ महानगरपालिकाया मेयर बालेन शाहया जहान च्वनावंगु सरकारी नम्बर प्लेटया गाडी वंगु शनिवाः चान्ह्यः कोटेश्वरय् ट्राफिक प्रहरी चेकिइइ लाःगु दु । चालकनाप सवारी पास मदुगुलि आर्विनसे सवारी पास ज्वना जक वयेगु याः धासे ट्राफिक प्रहरीं त्वःता बिःगु खः ।

सोमवाः जिल्ला प्रशासन कार्यालयं विज्ञप्ति जारी यासे छु खँ दु सा तथ्य प्रमाणनापं सम्बन्धित निकायया प्रमुख वा गुनासो न्यनेगु अधिकारीसमक्ष जानकारी बिइत व यःयःथे वक्तव्यबाजी मयायेत धाःगु दु । विज्ञप्तिइ धाःगु दु, 'लिपागु इलय् बालागु मनसायपाखे सम्पादन जूगु सरकारी ज्या व अज्यागु ज्याय् खटे जूपि राष्ट्रसेवकपिन्त निरुत्साहित यायेगु कथं सामाजिक सञ्जालय् व्यक्त जूगु अभिव्यक्तिइ थुगु कार्यालयया गम्भीर ध्यानाकर्षण जूगु दु ।

अथेहे थःगु पदीय जिम्मेवारी व कर्तव्य पालना याइपि राष्ट्रसेवक कर्मचारीपिन्स कर्तव्य पालना यायेगु लागिपंगः मथ्यनेत व थीथी सामाजिक सञ्जालय् यःयःथे वक्तव्यबाजी मयायेगु/मयाकेत सम्बन्धित सकसित इनाप यानाच्वना ।

लुम्बिनी वि.वि.या उपकुलपतिइ प्रा.डा. सुवर्णलाल बज्राचार्य

लुम्बिनी बौद्ध विश्वविद्यालयया उपकुलपतिइ प्रा. डा. सुवर्णलाल बज्राचार्य नियुक्त याःगु दु ।

सिफारिस समितिइ याःगु सिफारिसया आधारय् विश्वविद्यालयया कुलपति लिसें प्रधानमन्त्री पुष्पकमल दाहाल 'प्रचण्ड' थौं बुधवाः वयकःयात नियुक्त याःगु खः ।



उगु पद वंगु खुला न्ह्यः निसें खालि जुयाच्वंगु खः ।

प्रा.डा. बज्राचार्य त्रिभुवन विश्वविद्यालयपाखे अवकाश काय् धुकूह प्राध्यापक न खः ।

प्रा.डा. सुवर्णलाल बज्राचार्य बज्राचार्य क्लबया सल्लाहकार नं जुयादी ।

मस्तनाप मां भासं खँल्हानादिसँ धासे स्वयम्भुइ प्लेकार्ड प्रदर्शन

नेवाः मिसा ग्वहालि पुचः यँ महानगरपालिका १३ वडा व १५ वडाया ग्वहालय् थौं स्वयम्भुइ थः मस्तनाप मां भासं खँल्हानादी धइगु नारा तथा प्लेकार्ड प्रदर्शन याःगु दु । प्लेकार्ड प्रदर्शन ज्वना तःगुलि भीगु आदिभूमि यँ देय्यात नेवाः सांस्कृतिक स्वायत्त क्षेत्र दय्के नु, भी नेवाः जुयागुया गौरव तायेके, नेवाः नेवाः छधी छपँ जुये नारा ज्वना बिष्णु चित्रकार, गोर्की श्रेष्ठ, बिद्या चित्रकार, चेतना श्रेष्ठ, लोकह्वाम्ह गायिका रोजी श्रेष्ठ डंगोल श्रेष्ठपि लगायतपिं ब्वति काःगु खः ।



सक्वय् बमनू प्याखं क्यन



गुँ पुन्हिया लसताय् ४ न्हु कुन्हु (१७ गते)सक्वय् बमनू प्याखं क्यन । गननं मदुगु सक्वय् जक क्यनीगु बँमनू प्याखं वंगु १७ गते आइतवाः कुन्हु पिहाँ वःगु खः ।

न्हापा न्हपा भुतु च्याकेत सि मदयकं मगा वहे मि च्याकेया निति सक्वया सक्वमिपिं (गुँइ) बनेय् वना सि का वनिगु जुया त्वन न्ह्याब्ले थ्यं

सि का वंगु इवलेय् व बनेय् च्वापु गुँ च्वंम्हःमनु छम्हेसिनं सि कार्वपिन्त ख्याना हयेगु याना च्वन ।

अथे सि कार्वपिन्त ख्याना हगुलिं सक्वे च्वीपिं मनुत मुना व बनेय् च्वंम्हः मनुयात ज्वना सक्वे हःगु जुया च्वनाव मनुयात ज्वना हया दाय् फक्व दाय् खिपतं चिना तल अथे दाउ सह याये मफया व मजुनं छेमा फवना आवलिं

जिं गुबलेनं थःथे मनुपिन्त ख्याय् मदु धका बचं बिल ।

वहे बचं बिगुलिं सक्वया जनतां छेमा ब्युसें व बनेय् च्वंम्हः मनुयात सक्वे च्वीपिं सकसिनं म्हःसिके कथं खिपं म्हेय् चिना सक्व देः चा हुकगु धैगु जन बिस्वास दु ।

थुगुहे न्हि कथं गुँपुन्हियाल ४ न्हु कुन्हु थुम्हःहे बनेय् च्वंम्हः मनुया पलेसा सक्वे ८ गु त्वाः लं ब्यागलं ब्यागलं बमनू प्याखं पित हैगु चलन दुथःथे बमनू प्याखं पित हेत बमनू जुम्हःमनुनं लं मफ्युसें म्हःछम्हं कपाय् तिना म्हुतुइ ट्यौंगु काप तथा मे पिकना वइगु ख ।

बमनूया म्हे खिपतं चिना २ म्हः सिनं खिप ज्वना सातु साला वनिसा न्ह्यःने न्ह्यःने मस्तयसं बमनले मकै स्यः खाला धका हाय्का वनिगु खः ।

हरेक मंगलवार

राष्ट्रियताको लागि समर्पित



मेरो साप्ताहिक

मचा साप्ताहिक Mero Saptahik

मालाः मालाः ब्वनादिसँ ।

ज्यापु समाजया ग्वसालय् ब्याडमिन्टन कासा जुइगु



ज्यापु समाज यलया ग्वसालय् न्हापांगु काजीलाल स्मृति ब्याडमिन्टन कासा याइगु जूगु दु। समाजया संस्थापक नायःया लुमन्तिइ यलया ४० त्वाः व बहाबहीया कासामिपिसं ब्वति काय् खनीगु व प्यंगु पुचलय् धेंधेबल्ला याकीगु जूगु दु। श्रम तथा युवा विभाग अन्तर्गतया युवा तथा खेलकुद उपसमितिया संयोजक बाबुराजा

महर्जनं प्रतियोगिता ज्यापु समाजं ग्वसाःग्वःगु जूसां यलया फुकक त्वाः, बहाबही व ननीइ नं पत्राचार यानागु व न्ह्याम्हेसिनं नं ब्वति काइगु जूगु दु। थ्वहे भाद्र २० गते ज्यापु समाज यलय् मुनाः च्याली जुइगु व बालकुमारीइ च्वंगु रिमिक्स ब्याडमिन्टन क्लबय् प्यन्हुतक जुइ। रेफ्री अनुप रत्न शाक्यं थ्यंमथ्यं २०० निसें २५० म्हेसिया

ब्वति दइगु अनुमान यानातःगु दु। धेंधेबल्लाया उलेज्या यलया मेयर चिरीबाबु महर्जनं व समापन ज्याइवलय् सांसद रामकृष्ण चित्रकार मूपाहोकर्थं भायादीगु जूगु दु। थुगु धेंधेबल्लाः दैय्दसं न्ह्याकेगु नितीं स्व. काजिलाल अवालेया छैजःपिसं १० लाखया अक्षयकोष तयगु प्रतिबद्धता प्वकूगु व थुकियात अफ अफ्थय्का यंकेगु तातुना दुगु कजि बाबुराजा ज्यापु कनादीगु दु। ज्याइवलय् कवःया ल्युकाजि बुद्धरत्न डंगोलं लसकुस यानादीगु खःसा युवा तथा श्रम विभागया प्रमुख लिसें न्वकु किरण डंगोलाया सभापतित्वय् जूगु खः। ज्याइवः छ्याञ्जे सरिता महर्जनं न्ह्याकूगु खः।

ताम्रकारया अध्यक्ष पदय् उम्मेदवारी



रविन्द्रराज ताम्रकारं यल उद्योग वाणिज्य संघय् अध्यक्ष पदय् उम्मेदवारी बीगु जूगु दु। यल उद्योग वाणिज्य संघं वि.सं. २०५१ सालय् दुजः जुसां निसें थीथी पदय् च्वनाः ज्या याना वयाच्चनादीम्व वय्कः अजरमान जोशीया नेतृत्वय् दुगु कार्यसमितिया प्रथम उपाध्यक्ष व सविन श्रेष्ठया नेतृत्वय् जूगु कार्यसमितिइ वरिष्ठ उपाध्यक्ष जुयादीधुकूह खः। वय्कःया पुस्तौपुस्तानिसें

सिजः, लीया बसजाः व्यवसाय लिसे संलग्नापिं खःसा वय्कलं नं थःपिनि पूर्वाया ज्यायात निरन्तरता बियाः हस्तकला क्षेत्रया विकास लिसें थीथी सामाजिक ज्याय् महत्वपूर्ण भूमिका मिहता वयाच्चंगु दु। वय्कः ताम्रकार समाजय् निगू कार्यकाल अध्यक्ष जुयाः समाजमार्फत यलया जातीय समाज, खलःपुचः दथुइ समन्वय यानाः भाय्, संस्कृति संरक्षणया ज्याय् नं निरन्तर लगे जुयाच्चनादीम्व खः।

उपलब्ध हुने सामानहरू

डिरे, माय्, बंकरो उद्योगकालानि चाहिने उपकरणहरू, प्याकिङ मेसिन, प्याकिङ सेटेरिचलहरू, विविध केमिकलहरू तथा विविध औद्योगिक उपकरणहरू

ठ्याकूम प्याकिङ मेसिन, कचबाइज मिल, अटोमेटिक मिटक फल्लाइजर जेट नेचाली अपरेटर सेटि

मिल्क क्यान, प्यालिड ग्याट, जमक मिल्क गुल्नर

श्रेष्ठ ट्रेड मेडिया

श्री लाल मठज, १३ टॉकेश्वर (छाउली जाले शिष्णुमति पुलसंगै), काठमाडौं। फोन : ८२७०९८८/९८५९०८८५९०
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
खावा केरी उद्योग सञ्चालन गर्न आवश्यक प्राविधिक तथा आर्थिक सल्लाह

आँखा पाक्ने रोगबाट बच्ने उपाय

- आत्महत्या कुनैपनि समस्याको समाधान होइन,
- कुनैपनि समस्या र चुनौतीबाट नभागौं, डटेर सामना गरौं,
- सकारात्मक सोचको विकास गरौं, आशावादी बनौं,
- घर परिवार र आफूमा आश्रित सदस्यको भविष्यमाथी विचार पुऱ्याऔं,
- आत्मविश्वास बढाऔं, समस्याको उचित समाधान पहिल्याउँ।

नेपाल सरकार
विज्ञापन बोर्ड

छत्रपाटी निःशुल्क चिकित्सालय (अस्पताल)

“स्त्रीय शूलभ स्वास्थ्य सेवा सकसिया निती, असहायया निती जक निःशुल्क”

उपलब्ध सेवा

२४सै घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोनिङिन्
- अरन सरो
- सक् कस घाँटी समानि
- हाइजेनी तथा सहा सम्बन्धि
- शिवा चिकित्सा पिछा नतीको फनर सम्बन्धि

बहिरङ्ग सेवा

- नूद रोग
- पीट रोग
- पुरालोजी
- स्की रोग
- बाल रोग
- क्यान्सर रोग
- घन रोग
- ज्विवा रोग
- जनरल मेडिसिन
- चर्म तथा गीन रोग
- नाक कान घाँटी रोग
- जनरल हेल्थ चेक अप
- वाइरोइड
- मधुमेह

मेमेगु सेवा

- ट्रेसिङ
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, एम.टी.ए. र इको
- पुरोपेरी सारको ब्ल इन्डोगाहाल
- टि.ए.मि.टि. इन्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२९६९३८, ४२५७९९९, ४२६६२२९